

867.

1439 Januar 31; 1440 Dezember 12

Anna Swanfelder verkauft ihre Haushälfte und bezahlt damit Schulden.

fol. 161r Actum sabbato ante purificationis Marie anno quo supra ist komen vor eyn^{a)} siczczenden rath fraw Anna Swanfelderin und hat Erhart Setelern ir halbis husz und ir kinder vor eyn gewere yngesaczt als von dez andern halben huszis, wenn daz Erhart widir sy gekaufft hat umbe 30 rh. gulden. Daz selbige golt drissig gulden Erhart uns von der frawen und kinder weyn bezalt hat an sulchir schult als Andres Richter, der kinder vadir und ir wirt seligir, uns uff czinsze schuldig waz. Davor vordir Nickel Jocoff keyn uns vorhaft waz, also ab dy kindir doryn reden werden, wenne sy mundig werden, daz daz wissenlich ist und Erhart sich an der helffte des huszis der ansprache ledig ist. Und des habtgeldes dez halben huszis, daz sy vor werburgit haben, ist 13 β minus 5 gr. Daz selbige halbe husz hat Swanfelder vorkauft Hanszen Clarrer und gegeben umbe 14 β minus 20 gr. Daran hat Swanfelder von seyns huszes wegen uff gehalten 4 β gr. Gereth und gelobet by seynen husze an der egken, daz Malirs waz, und allin synen guter, daz er Erhard an der werburgen schadinloz halden wolle der vier β gr. Actum sabbato post nativitatis Christi anno XL^{mo}.

a) folgt durchgestrichen rathe

868.

1439 Februar 14

Kunz Sussmundel verpfändet sein Haus.

fol. 161v Actum sabbato ante estomihi hat Kuncz^{a)} Sussmundil seyn husz, gelegin vor^{b)} unser tor bey dem spital zcu willigen phande eyngesaczt Nickel Gruner vor 49 gr zcu bezcalen uff ostern schirste komende. Wo daz nicht gesche, daz er sich seynis obgeschriben geldis vor ydermenlich doran irholen mag, unschedenlich den, dy vormals gerechtikeit doran habin. Anno tricesimo nono.

a) über die Zeile geschrieben, ersetzt durchgestrichen Heincz b) über die Zeile geschrieben, ersetzt durchgestrichen an

869.

1439 März 14

Andres Padir begleicht eine Schuld.

fol. 161v Huters kinder gelt. Actum sabbato ante latare (!) hat her Andres Padir frawin Margarethen Huterin von ir kindir weyn bezalt 8 alde β. Dovor daz